

## **ORDENANZA FISCAL Núm. 11**

### **TAXA DA REDE DE SUMIDOIROS**

#### **Artigo 1º- FUNDAMENTO E NATUREZA.**

En uso das facultades concedidas polos **artigos 133.2 e 142 da Constitución** polo **artigo 106 da Lei 7/1985, do 2 de abril**, reguladora das **bases de réxime local**, e de conformidade co que se dispón nos **artigos 15 a 19 da Lei 39/1988, do 28 de decembro**, reguladora das **facendas locais**, este concello establece a "Taxa da Rede de Sumidoiros" que se rexerá pola presente ordenanza fiscal, onde as normas atenden ao que se prevé no **artigo 58** da citada **Lei 39/1988**.

#### **Artigo 2º- FEITO IMPOÑIBLE.**

1- Constitúe o feito imponible dataxa:

- a) A actividade municipal, técnica e administrativa que tende a verificar se se dan as condicións necesarias para autorizar a acometida á rede de sumidoiros ~~municipais~~.
- b) A prestación dos servizos de evacuación de excretas, augas pluviais, negras e residuais, a través da rede de sumidoiros municipais, e o seu tratamento para ~~depuras~~.

2- Non estarán suxeitas á taxa as leiras derruídas, declaradas ruinosas ou que teñan a condición de solar outerreco.

#### **Artigo 3º-SUXEITO PASIVO.**

1- Son suxeitos pasivos contribuíntes as persoas físicas ou xurídicas e as entidades a que se refire **o artigo 33 da Lei xeral tributaria** que sexan:

- a) Cando se trate da concesión da licenza de acometida á rede, o propietario, usufrutuario ou titular do dominio útil daleira.
- b) No caso de prestación de servizos **do núm. 1.b) do artigo anterior**, os ocupantes ou usuarios das leiras do termo municipal beneficiarias dos ditos servizos, calquera que sexa o seu título: propietarios, usufrutuarios, habitacionistas ou arrendatario, incluso en precario.

2- En todo caso, terá a consideración de suxeito pasivo substituto do ocupante ou usuario das vivendas ou locais, o propietario destes inmobles, quen poderá repercutir, no seu caso, as cotas satisfeitas sobre os respectivos beneficiarios do **servizo**.

#### **Artigo 4º-RESPONSABLES.**

1- Responderán solidariamente das obrigas tributarias do suxeito pasivo, as persoas físicas e xurídicas a que se refiren os **artigos 38.1 e 39 da Lei xeral tributaria**.

2- Serán responsables subsidiarios os administradores das sociedades e os síndicos, interventores ou liquidadores de quebras, concursos, sociedades e entidades en xeral, nos supostos e co alcance que sinala **o artigo 40 da Lei xeral tributaria**.

#### **Artigo 5º.- COTA TRIBUTARIA:**

## ARTIGO 5. COTA TRIBUTARIA.

### 1. TARIFAS DO SERVIZO DE SANEAMENTO.

ANO 2020

#### a) Subscritores con servizo municipal de abastecemento de auga.

Mínimo trimestral (24 m <sup>3</sup> /trim x 0,2449 €/m <sup>3</sup> )	6,0768 €/ab.trim
Por cada m <sup>3</sup> facturado en abastecemento	0,2532 €/m <sup>3</sup>

#### b) Subscritores sen contador ou sen servizo municipal de abastecemento de auga (cuxo consumo estea próximo á media do resto dos subscritores)

- COTA FIXA	
- Uso doméstico (para unha media de 12 m <sup>3</sup> /abon.mes)	9,1230 €/ab.trim
- Uso comercial (para unha media de 12 m <sup>3</sup> /abon.mes)	9,1230 €/ab.trim
- Uso industrial, hostalería, obras e outros (para unha media de 22 m <sup>3</sup> /abon.mes)	16,7240 €/ab.trim

#### c) Subscritores con subministración non procedente da rede municipal de abastecemento e cun consumo moi superior á media do resto dos subscritores

Aqueles subscritores/industrias que para o seu proceso de traballo ou produción utilicen medios propios de abastecemento de auga, exclusivamente ou conxuntamente coa auga da rede municipal e vertan á rede de sumidoiros un caudal superior ao consumido da rede municipal, instalarán ao seu cargo aparellos para a medida do caudal vertido á rede. Esta medición servirá de base para a facturación.

De mutuo acordo entre empresa e concesionario do servizo de augas poderase realizar un auditorio do caudal vertido para os efectos de facturación.

ANO 2020

Por cada m <sup>3</sup> de vertedura, medido ou aforado	0,2532 €/m <sup>3</sup>
---	-------------------------

### 2. PREZO DE ACOMETIDAS DE SANEAMENTO.

Ud. de acometida de auga residual formada por arqueta de saída, canalización de P.V.C. Ø 160/200/5 atm. incluída escavación, recheo, demolición e reposición de firme, así como conexión a pozo/colector existente con peza estanca específica para unha lonxitude máxima de 5 m. e unha profundidade máxima de 1,50 m.

ANO 2020

GABIA EN TERRA	391,23 €/ud
GABIA EN ASFALTO	452,66 €/ud
GABIA EN BEIRARRÚA	497,19 €/ud

NOTA: todos estes prezos veranse gravados co IVE correspondente.

## **Artigo 6º.- EXENCIÓNS E BONIFICACIÓNS.**

Só se concederá as exencións ou bonificacións da exacción da presente taxa que veñen establecidos nas normas con rango de lei ou derivende Tratados ou acordos internacionais.

## **Artigo 7º.- DEVENGO.**

1- Devéngase a taxa e nace a obriga de contribuír cando se inicie a actividade municipal que constitúe o seu feito impositivo, e enténdese esta:

a) Na data de presentación da oportuna solicitude da licenza de acometida, se o suxeito pasivo a formulase expresamente.

b) Dende que teña lugar a efectiva acometida á rede de sumidoiro municipal. O devengo por esta modalidade da taxa producirase con independencia de que se obtivese ou non a licenza de acometida e sen prexuízo da iniciación do expediente administrativo que poida instruírse para a súa autorización.

2- Os servizos de evacuación de excretas, augas pluviais, negras e residuais, e da súa depuración teñen carácter obrigatorio para todas as leiras do municipio que teñan fachada a rúas, prazas ou vías públicas nas que exista rede de sumidoiros, sempre que a distancia entre a rede e a leira non exceda de 100m. e se devengase a taxa aínda cando os interesados non procedan a efectuar a acometida á rede.

## **Artigo 8º.- DECLARACIÓN, LIQUIDACIÓN E INGRESO.**

1- Os suxeitos pasivos substitutos do contribuínte formularán as declaracións de alta e baixa no censo de suxeitos pasivos da taxa, no prazo que media entre a data na que se produza a variación na titularidade da leira e o derradeiro día do mes natural seguinte.

Estas derradeiras declaracións surtirán efecto a partir da primeira liquidación que se practique unha vez finalizado o prazo de presentación das ditas declaracións de alta e baixa.

A inclusión inicial no censo farase de oficio unha vez concedida a licenza de acometida á rede.

2- As cotas esixibles por esta taxa liquidaranse e recadaranse polos mesmos períodos e nos mesmos prazos que os recibos de subministración e consumo de auga.

3- No suposto de licenza de acometida, o contribuínte formulará a oportuna solicitude e os servizos tributarios deste concello, unha vez concedida aquela, practicarán a liquidación que proceda, que será notificada para ingreso directo na forma e prazos que sinala o **Regulamento xeral de recadación**.

## **DISPOSICIÓN DERRADEIRA.**

A presente ordenanza fiscal, que se modificou polo Pleno do Concello na súa sesión celebrada o día 26/09/2019, entrará en vigor ó día seguinte da publicación do seu texto íntegro no BOP de Lugo, e será de aplicación a partir dese mesmo día, ata a súa modificación ou derogación expresas.